

---

# ADDA BILISUMMAA OROMOO



OROMO LIBERATION FRONT

جبهة تحرير اورومو

Guyyaa (Date): Onkoloolessa 26, 2009

Lakko. (No.): 111/ABO/09

## Ejjennoo WBO Zoonii Kibba Oromiyaa Ilaalchisee Ibsa ABO Onkoloolessa 26, 2009

Waraanni Bilisummaa Oromoo (WBO) Zoonii Kibba Oromiyaa Onkoloolessa 19, 2009 labsa baase gadi fageesinee ilaallee jirra. Jeequmsa fi walfachaasina ABO keessatti bara dheeraaf deemaa dhufee as gahe xiinxaluun ejjennoo warraaqaa humnichi fudhate waligalattii akka deggeru addeesina. ABO deebisanii tokkoomsuuf, akkuma walumaanuu yaadannutti, bara 2001 jalqabnee gurmuu qabsawota dhugaa argaamsiisuuf wareegama hedduu kafala dhufnee as ga'u keenya WBO Zoonii Kibbaa caalaa kan hubatu hin jiru.

Seenaa qabsoo bilisummaa Oromoo keessatti WBO Zoonii Kibbaa humna damaqaa fi warraaqaa ta'u isaa marraa hedduu hojiin kan mul'ise dha. Ejjennoon ammaan kana ABO deebisanii dhinsuu irratti fudhattan kan nama jajjabeessu jenna. WBO Zooniilee addaaddaa fi qabsawoti haalaa dhaaba kana jeeqaa jiruu qaroominaan ilaalanii dhaabbi warraaqaa fakkenya WBO Zoonii Kibbaa hordofuu akka fudhatan waamicha goonaf.

ABO keessatti nagaan akka argamu tattaaffiin gochaa turre ammas ittifufe jira. Dhimma waliigalaa irratti akka ABO deebi'e kaayyoo ganamaa irratti tokkoomuuf waamicha Mudde 11, 2008 labsuun keenya ni yaadatama. Gartuuleen murna Shanee Gumii fi murna Jijjiramaa waamicha keenya fudhatanii mariin jalqabame jirra. Hanga ammaatti haasaatu jalqabe malee murtiin irra gahame hin jiru. Waliigatleen akka argamu osoo of hin qusatin akka carraaqinnu uummata Oromoo hubachiisuu feena. Itti bahiinsa mare kanaa akka murtii maayyii irra geenyeen ummata Oromoof ifatti beeksisuuf jirra.

Tarkaanfiin WBO Zonii Kibbaa fudhates tattaaffi itti jirruu kan shafisiuu fi bu'a qabeessa taasisu jennee abdanna. Yaadaa tarkaanfataa isin dhiheesitan kana kanneen tokkoommaa Oromoo hin feene akka karaa irraa hin gufachiifne qaroominaan tikfamuu qaba jenna.

Nuti gama keenyaan caarraqsi isin gootan galama akka gahu gumaachuuf bakka isin jirtanitti isin gidduutti argamnee wal haasa'uuf qophii ta'u keenya isiniif mirkaneesina.

Oromiyaan ni bilisomti!

**Koree Hojii Geggeesituu ABO**